



Sensibilité politique  
Boîte postale 83  
L-7201 Bereldange

Fernand ETGEN  
President vun der Deputéiertechamber  
19, um Krautmaart  
L-1728 Lëtzebuerg

Lëtzebuerg, den 11/03/2020

Här President,

**Sou wéi den Artikel 83 vun eisem Chambersreglement et virgesäit, bieden ech lech, dës parlamentaresch Fro un d'Ministere fir Umwelt, Klima a nohalteg Entwécklung, Ëffentlech Aarbechten, Tourismus & Kultur weiderzeleeden.**

De Stauséi déngt säit 1961 als Dréckwaasserreserve fir grouss Deeler vum Lëtzebuurger Land, ma ass awer och e Point d'Attraction fir den Tourismus, dat gantz an enger eenzegaarterger Natur. Am Joer 1991 ass de Stauséi fir d'lescht eidel lafe gelooss ginn, fir Entretiensaarbechten duerchzeféieren. Haut sinn et also bal 30 Joer hir, datt de Stauséi engem gréisseren Entretien ënnerzu gouf. Säit 1961 huet d'Demande no Dréckwaasser iwwerdeems, wéinst dem Bevëlkerungszouwuess, konstant zougeholl. Wat den Tourismus betrëfft, zitt de Stauséi och haut, besonnesch am Summer, Touristen aus der ganzer Groussregioun un. D'Demande no neien touristeschen Attraktiounen ass grouss. Schonn Ufank vum Millenium koum säitens der Stauséigemeng de Wunsch no enger Hengebréck iwwert de Stau op, mam Zil besonnesch den doucen, ökologeschen Tourismus ze féieren. D'Stauséi-Géigend ass am Groussen a Ganzen eng Géigend mat immens vill Potential, ma et ass awer virun allem, wéinst sengen Dréckwaasserkapassitéiten, eng Liewensquell fir d'gantz Lëtzebuurger Land.

An deem Zesummenhang wéilt ech de Ministeren dës Froe stellen:

1. Dir Dammen an Häre Ministeren, wéini steet deen nächste groussen Entretien vum Stauséi un, wou de Stau muss auslaffe gelooss ginn ?
2. Mat wéi enge Käschten rechent Dir an deem Zesummenhank a mat wéi engen gréisseren Aarbechten ass an deem Kontext ze rechnen ?
3. Madamm Ministesch, wéi gedenkt Dir an der Iwwergangsphase, wou de Stau eidel wäert sinn, d'Dréckwaasserversuergung weiderhin ze assuréieren ?
4. Dir Dammen an Häre Ministeren, ass geplangt no Dréckwaasserreserven am noen Ausland ze sichen, fir där héijer Demande vum Grand-Duché an Zukunft gerecht ze ginn ?
5. Madamm Ministesch, geet d'Produktiounskapassitéit vum Stau a Saachen Dréckwaasser, wann d'Bevëlkerung weider wisst, duer? Bis wéini géifen déi aktuell Kapassitéiten, bei gläichbleiwendem Wuesstem, duer goen?
6. Ass geplangt, Madamm Ministesch, d'Dréckwaasserproduktioun an d'Luucht ze schrauwen? Wa jo wéi, vu wéi engem Volume géife mer do schwätzen?
7. Um Stau gëtt och duerch Waasserkraaft Elektrizitéit produzéiert. Wat huet dëst fir een Afloss op de Volume vum produzéierten Dréckwaasser ? Gëtt duerch d'Produktioun vun Elektrizitéit de Volume u produzéiertem Dréckwaasser beanträchtegt ?



[www.piraten.lu](http://www.piraten.lu)



Sensibilité politique  
Boîte postale 83  
L-7201 Bereldange

8. Här Minister, ass säitens dem Tourismusministère geplant weider Attraktiounen an d'Stauséi-Géigend ze bréngen ? Wa jo, wéi eng ?
9. Här Minister, wéi sti Dir zu der Iddi vun enger Hängebréck beim Stauséi, ähnlech wéi där vun der „Hängeseilbrücke Geyerlay“? Géift Dir esou eng Attraktioun finanziell ënnerstëtzen?
10. Dir Dammen an Häre Ministeren, ass geplant d'Geschicht vum Duerf wat deelweis ënnert dem Waasser vum Stau versenkt gouf, sou wéi déi eenzegaarteg Flora a Fauna vun der Géigend fir Touristen an Intresséierter, duerch konkret Projeten, en Valeur ze setzen?

Mat déiwem Respekt,

GOERGEN Marc  
Député



[www.piraten.lu](http://www.piraten.lu)